

史記天官書補目

孫星衍撰

中華書局

史記天官書補目

此據史學叢書本  
排印初編各叢書  
僅有此本

# 史記天官書補目

清 陽湖孫星衍撰

三家星占見史記天官書云昔之傳天數者殷商巫咸在齊甘公魏石申書中亦多用石氏星經史記索星在寅正月辰見東方之名已下出石氏星經班固天文志兼用甘氏石氏語張守節引七錄云甘公楚人戰國時作天文星占八卷石申魏人戰國時作天文八卷鄭康成注周禮引甘氏歲星經後漢書郎顛傳引石氏經漢藝文志多本七錄不著錄巫咸甘石書殊不可解惟天文家載黃帝雜子氣三十三篇隋經籍志有黃帝五星占六卷未知卽是黃帝占否也劉昭注續漢志亦引黃帝占今其文及三家星占具見唐瞿曇悉達所輯開元占經中按黃帝巫咸甘石所載恆星名數多出天官書天文志之外而其書皆在先秦不知遷固何以不載且史記漢書旣遺東壁一宿又莊子所載傳說緯書所載天皇大帝及玉繩之屬皆闕如亦不能辭疏漏之責北周庾季才作靈臺祕苑一百一十五卷宋王安禮刪存十五卷冠以步天歌其文略同晉隋二志而不載所出之書隋天文志云三國時吳太史令陳卓始列甘氏石氏巫咸三家星官著于圖錄并著古贊總有二百五十四官一千二百八十三星并二十八宿及輔官附坐一百八十二星總二百八十三官一千五百六十五星宋元嘉中太史令錢樂之所鑄渾天儀以朱黑白三色用殊三家而合陳卓之數前人好古之慎至于本草猶有朱黑別書之本不亂神農本經況乎星官可不詳其根據今晉隋二志所載星名多于史記漢書而三家星無復區別錢樂之儀器亦旣無傳開元占經藏在祕府唐宋人俱不

得見鄭樵通志稱今存三卷。而近時所得寫本百廿卷。見全。但世無板本。懼其久而淪失。余退食多暇。游心觀象。慨中法之不行。念掌故之久缺。因爲天官書補目一卷。紀其增多。史記漢書星名。大凡二百餘坐。分注黃帝及三家所有星名星數。三家星止分中官外官。舊書位次不可考。天官書則分五官。卽以三家星依五官連屬之星分爲五部。後之志天文者。庶有擇焉。

中官

天皇大帝黃帝有廿氏有云一星在鈞陳口中。

四輔廿氏有云四星抱北極樞。

按此卽天官書後句四星。

女御巫咸有云四星在鈞陳星後北。今作御女。

華蓋廿氏有云七星。杠九星。凡十六星。在大帝上。

五帝內座廿氏有云五星。在華蓋下。

六甲廿氏有云六星。在華蓋杠旁。

柱下史廿氏有云一星。在北極東北。

女史廿氏有云一星。在柱下史北。

尙書廿氏有云五星。在紫微宮東南維。

大理巫咸有云二星在紫微門左星內。

三公黃帝有石氏有甘氏有云三星在北斗柄南。

三公黃帝有巫咸有云三星在北斗魁第一星西。

太一石氏有云一星在天一星南相近。

附路石氏有云一星在閣道南旁。

傅舍巫咸有甘氏有云九星在舉蓋上近河旁。

造父黃帝有甘氏有云五星在傅舍南河中。

鉤巫咸有云九星如鉤狀在造父北。

相黃帝有石氏有云一星在北斗南。

太陽守黃帝有石氏有云一星在北斗南。

勢甘氏有云四星在太陽守北。

內階甘氏有云六星在文昌北。

常陳甘氏有云四星犯常陳。

太尊巫咸有云一星在中台北。

內平甘氏有云四星在中台南。

虎賁巫咸有云一星在下台南

天狀甘氏有云六星在紫微宮門外

內廚甘氏有云六星在紫微宮西南角外

天廚甘氏有云六星在紫微宮東北維外

梗河黃帝有云三星天錄石氏有云三星天矛在大角北

天紀黃帝有石氏有云九星在貫索東

七公黃帝有云一名天紀石氏有云七星在招搖東

女牀黃帝有石氏有云三星在天紀北

東官

積卒黃帝有石氏有云十二星在房心南

東西咸黃帝有石氏有云東咸四星在房東北西咸四星在房北

從官巫咸有云二星在房星南

天輻巫咸有云二星在房距西

日甘氏有云一星在房中道前

闕巫咸有云三星在東咸西南北列

帝座石氏有云一星，在市，中候星四。

候巫咸有石氏有云一星，在帝座東。

宦者石氏有云四星，在帝座西。

斗石氏有云五星，在宦者西南。

斛甘氏有云四星，在市，中斗南。

宗正黃帝有石氏有云二星，在帝座東南。

宗人黃帝有石氏有云四星，在宗正東。

宗黃帝有石氏有云二星，在宗人北。

帛度巫咸有云二星，在宗星東北。

屠肆巫咸有云三星，在帛度北。

列肆巫咸有云二星，在天市中。

車肆巫咸有云二星，在天市門左星內。

帝席甘氏有云三星，在大角北。

周鼎甘氏有云三星，在攝提西。

天田甘氏有云二星，在右角北。

天門甘氏有云二星在左角南。

平道甘氏有云二星在左右角間。

進賢甘氏有云一星在平道四。

亢池黃帝有甘氏有云六星在亢北。

折威石氏有甘氏有云七星在亢南。

頓頑巫咸有云二星在折威東南。

天乳甘氏有云一星在氐北。

陣車甘氏有云三星在氐南。

車騎巫咸有甘氏有云三星在騎官南。

騎陣將甘氏有云一星在騎官中東端。

天江黃帝有石氏有云四星在尾北。

龜黃帝有石氏有云五星在尾南。

傅說黃帝有石氏有云一星在尾後。

魚黃帝有石氏有云一星在尾後河中。

獺甘氏有云一星在箕舌前。



按王帝明步天歌帝座後有常陳七星以在史遷後不補

南宮

謁者甘氏有云一星在執法北

三公內座甘氏有云三星在謁者東北

九卿內座甘氏有云三星在三公北

太子甘氏有云一星在帝座北

從官甘氏有云一星在太子西

幸臣甘氏有云一星在帝座東北

明堂甘氏有云三星在大微西南角外

靈臺甘氏有云三星在明堂西

長垣座咸有云四星在少微西南北列

權巫咸有甘氏有云四星在軒轅南偏北

酒旗甘氏有云三星在軒轅右角

水位黃帝有石氏有云四星在東井東南北列

水府巫咸有甘氏有云四星在東井南

天鰲甘氏有云三星在東井北

四瀆甘氏有云四星在東井東南

司怪甘氏有云四星在鉞前

座旗甘氏有云九星在司怪東北

積水黃帝有石氏有云一星在北海四星北

積薪黃帝有石氏有云一星在水東南

闕邱甘氏有云二星在河南

外廚甘氏有云六星在柳南

天記甘氏有云一星在外廚南

天相巫咸有云三星在七星北石氏有

稷黃帝有石氏有云五星在七星南

天廟黃帝有甘氏有云十四星在張南

東甌甘氏有云五星在翼南

器府甘氏有云二十二星在軫南

青邱甘氏有云一星在軫東南

軍門巫咸有云二星在青邱四。

土司空巫咸有云四星在軍門南。

平黃帝有石氏有云二星在庫樓北。

陽門巫咸有云二星在庫樓東北。

按王希明步天歌庫樓中有四星名衡副旁一星名神官以在史遷後不補。

### 西官

天關黃帝有石氏有云一星在五車南參西北。

礪石甘氏有云四星在五車西。

諸王甘氏有云六星在五車西。

八穀巫咸有石氏有甘氏有云八星在五車北。

外屏甘氏有云七星在壺南。

天淵甘氏有云七星在外屏南今四星。

土司空黃帝有石氏有云一星在壺南。

天將軍黃帝有石氏有云十一星在壺北。

左更黃帝有甘氏有云五星在壺東。

右更黃帝有甘氏有云五星在囊西。

天倉黃帝有石氏有云六星在婁南。

鈇鑽甘氏有云五星在天倉西南。

天囷黃帝有石氏有云十三星在胃南。

天廩黃帝有巫咸有石氏有云四星在昴南。

按此即天官書衆星廢積。

天庾甘氏有云三星在天倉東南。

藜藿黃帝有甘氏有云六星在天苑西。

天園甘氏有云十三星在天苑西。

軍南門甘氏有云一星在天將軍西。

大陵石氏有云八星在胃北。

積尸石氏有甘氏有云一星在大陵中。

天船黃帝有石氏有云九星在大陵北河中。

積水石氏有甘氏有云一星在天船中。

卷舌黃帝有石氏有云六星在昴北。

天譴石氏有甘氏有云一星在卷舌中。

月甘氏有云一星在昴東。

天阿甘氏有云一星在昴西偏。

天街巫咸有石氏有甘氏有云二星在昴畢間近月東。

天陰巫咸有云五星在畢柄西。

天節石氏有云八星在畢附耳南甘氏有。

九州殊口黃帝有云在參間甘氏有云九星在天節下。

軍市巫咸有石氏有云十三星在參東南。

野雞黃帝有石氏有云一星在軍市中。

天高甘氏有云四星在參旗西近畢。

玉井黃帝有巫咸有石氏有云四星在參足下。

屏石氏有云在玉井內。

軍井甘氏有云四星在屏東南。

天狗甘氏有云七星在狼東北。

丈人甘氏有云二星在軍市西南。

子甘氏有云二星在丈人東

孫甘氏有云二星在子星東

天社甘氏有云六星在弧南

北官

虛梁巫咸有云四星在危南

蓋屋甘氏有云二星在危南

哭甘氏有云二星在虛南

泣甘氏有云二星在哭東

天壘城巫咸有云十三星如箕素狀在哭泣南

八魁甘氏有云九星在北落東北

鈇鎖巫咸有云三星在八魁西北一曰鈇鎖

天錢巫咸有云十星在北落西北

天綱巫咸有云一星在北落南

司命甘氏有云二星在虛北

司祿甘氏有云二星在司命北

司危甘氏有云二星在司危北。

司非甘氏有云二星在司危北。

騰蛇黃帝有石氏有云三十二星在營室北。

雷電甘氏有云六星在營室西南。

土公吏甘氏有云二星在營室西南。

東壁黃帝有巫咸有甘氏有石氏有云二星在九度。

土公甘氏有云二星在東壁南。

霹靂甘氏有云五星在土公西南。

雲雨甘氏有云四星在霹靂南。

天慶巫咸有云十星在東壁北近王良。

策巫咸有云一星在王良前。

車府甘氏有云七星在天津東近河旁。

內杵甘氏有云三星在人星旁。

扶筐黃帝有甘氏有云七星在天津北。

奚仲巫咸有云四星在天津北。

敗曰黃帝有石氏有云四星在虛危南。

敗瓜甘氏有云五星在瓠瓜旁。

農丈人甘氏有云一星在南斗西南。

狗甘氏有云二星在南斗魁前。

狗國黃帝有甘氏有云四星在虛星東南。

天雞甘氏有云二星在狗國北。

按荊州占云瓠瓜一名天雞。

鼈黃帝有石氏有云十四星在南斗旁。

天淵巫咸有云十星在虛東南九坎間。

天鑰巫咸有云八星在南斗南杓第二星西。

天弁黃帝有石氏有云九星在虛星北。

天田甘氏有云九星在牽牛南。

羅堰甘氏有云三星在牽牛東。

九坎黃帝有巫咸有石氏有云九星在牽牛南。

齊巫咸有云一星在九坎東。



趙巫咸有云二星在齊西北  
鄭巫咸有云一星在趙東北  
越巫咸有云一星在鄭西北  
周巫咸有云二星在越東北  
秦巫咸有云二星在周東南  
代巫咸有云二星在秦東南  
晉巫咸有云一星在代西南  
韓巫咸有云一星在晉北  
魏巫咸有云一星在韓旁  
楚巫咸有云一星在魏西南近鄭星  
燕巫咸有云一星在楚東南近晉星  
離瑜巫咸有云三星在代東南北列  
天桴黃帝有巫咸有云四星在河鼓左旗端南北列  
離珠黃帝有石氏有云五星在須女北  
漸臺甘氏有云四星屬織女東足